



文山先生文集卷之十

啓駢劄付

賀江丞相除湖南安撫大使判潭州

舊弼起家介藩建閩姬公相周而為左方遂明農召保分陝而
守西又新維翰威行夷夏運在東南共惟某官壽俊兩朝禮樂
四代脩名偉節以日月為明泰山為高奧學精言為天地立心
生民立命水火不爭於鼎鼐泥金各就於陶鈞本之身心暴秋
陽而濯江漢措諸事業膺戎狄而懲荆舒起觀一世之安危端
繫大人之出處當世道未寧之日正遼人相戒之時乃放一道
之玉麟乃授三公之金鵠謂捍荆門吞夏納寄莫重於星沙豈
挹浮丘拓洪崖閑可專於綠野安石起東山而符秦

明渡



瀘水而孟獲擒維茲銀濤青壁之雄倚成錦艾朱綬之功隱
存於宗社書不盡於旂常三軍百姓之歡迎大開玉帳一馬二
童之促召再築沙堤佐興唐虞誕保文武其及門甚晚知己何
深薦不識面官每嘆先生之古道自號報恩子豈在衆人之下
風鳳凰出而羽毛朝蛟龍驤而雲氣族一日偃藩之際會同時
誤節之走趨方當聖指馳騫之秋無限師友後游之感孝子回
車忠臣叱馭將交盡於君親司空副相太保上公惟深期於造
化潔蠲拜下傾倒由中

賀前人除特進

碩輔在藩優恩加秩撫淳熙左相之舊鎮赫奕十連冠元豐特
進之新銜巍哉一品星馳汗號雷轟誰可共惟某官耆壽具

瞻宗師先覺東問典故西問文學錦堂丞相之規模公見廢僚
府見監司潞國太師之度量維時台宿來茨軫邦能當道而貉
子之膽寒龍居淵而象罔之迹遠上思舊德時有恩言進左右
僕射之官增詩書元帥之重在師中吉承天寵也既都錫命之
榮以我公歸有衮衣弓即轉征東之馭某猥塵馳轡阻赴賀床
載鄙渌之清指玉麟而為壽邇斗樞之紫後金鵲於方來

回前人除特進送禮

上公國輔相望龜絃之華特進天人忽枉鸞飛之字溥乾坤之
新渥賁岫嶠之行雲庭實熒煌鈞和垓圯芳洲杜若被紫駝翠
釜之祭驛路梅花看赤舄繡裳之覲熏香跪謝伏薦游馳

行部潭州謝江丞宴

古之學必有師甫趨函丈子使人歌而善肅拜初筵春風渭北
之旗夜月洞庭之樂蕭韶俗耳冰雪征塵車攻賡六月之詩先
聞吉語帝所聽九成之奏再相太平

送前人九日禮

宴龍山九九之節夙俊雄藩開鶴林七七之花今逢真宰風清
六纛霜肅九州共惟某官赤舄元圭瑀戈錫肴酌長沙酒快春
水之曉行賦北門詩喜秋花之晚看小馳戲馬重補袞龍某記
影星垣驚心旄館跋芙蓉之頂想千乘之登高折柔萸之房為
三公而持壽

回前人送九日禮

天開紫蓋秋高淡圃之香星下碧泉春到長沙之酒飛卷五雲
之風雨光華九日之山川味也采深恩斯鳥稱北門者菊幸與
分玉帳之清內殿傳相聞已下金甌之信

賀前人冬

春入重緹欣聽雷鼉之奏台明上衣具瞻井鉞之輝穀我龐臣
哀時疇祉共惟某官量包元氣心見先天冠漢殿之仙班火城
如畫補舜裳之五色宮線猶香卷舒昭文館之春風布護祝融
峰之曉露蒞蘭出色芸荔含和愛日迎長開一氣八荒之壽瑞
雲促覲領五更三點之朝某迹固轉鈞心馳獻履近依星軫愧
直指之綉衣遙贊雲門歸碩膚之赤舄薄言燕賀永矢冬蟲鳴

送前人折筵

擊九寸律柄屬洪鈞建十丈旗光生几馬馳想雲和之瑟莫陪

壽軫之觴薄注酈清式歌魯瑞出乘仙輶遙修南至之恭入捧
御床預致東歸之慶瀆嚴增惕錫頓為榮

回前人送冬酒

墟解谷之陽方覃鈞播照酈湖之渌忽拜袞題有華舞袖之春
風增資綺絲之曉日淺深存燮理滿傾北斗之天漿德澤布光
輝跪沐南山之雲氣輪困鏤感稟稭刊申

賀前人正

龍杓麗曉天開泰內之陽駟騎明春星起軫中之壽和薰青瑄
喜動黃麻共惟某官心會陽宗身扶人統蔽明帝袞迎瑞日於
東郊繅煥公主照蒼精於左角卷劔氣玉烟之彩增綉裳赤舄
之榮東任有三百六句陶鈞一轉中書歷二十四考鼎新重新

戒前路之鸞鳳沸歡聲於童馬某喜逢雞朔踰贊熊旂光近火
城又獻大椿之歲寒噓雲舍敢忘寸草之春歧賀心馳箋枕喙
短

送前人酒

開條風於獻節瑞藹三朝介壽酒於公堂春生四履歛神光於
雲岳拓喜氣於沙堤輒持酈渌之窪樽聊贊鈞天之和鼎不匱
錫爾類懷紉萱草之詩再入福蒼生如此椒花之頌薄將凌躡
賜頃欣榮

回前人送春

春回大簇開雲氣於南山晚醉長沙酌天漿於北斗挹注偏提
之潤薰蒸統部之和綠淨生香洪鈞轉燠八仙地隔莫陪左相

之杯太乙風生踰贊東皇之席卷卷卷跋謝草草笈枕

賀前人赴召

銀信騰霄金書照闔映南雲之紫蓋春滿江湖歸東雨之袞衣
天開閭闔行官絡繹統部歡呼共惟某官以大宗師為真宰相
文章若雷霆河漢玉色金聲言行質天地鬼神丹心白髮出納
祝融峯之日月卷舒昭文館之星辰北門小煩魏公盡寬上顧
中國再相司馬坐懾衆心仙人駕綵鳳以傳音老子馭青牛而
入觀碧涵汀並曉清沙路之塵黃把庭麻夜轉火城之影某固
身化冶舞手揚綸大老益歸乎來共致巖瞻之喜君子永錫爾
類終徼鈞播之私致賀歌飛牋詞甚秌

通羅提舉京子

號敬德

天圉照楚瞻駟轡之濡然雨耒耕綿愧牛衣之易綉合臺容之
永好嚴牘贊之先恭欽惟某官冰浸玉淵雲崢鉄壁沮金石諧
韶濩音振蓬萊踞虎豹登虬龍氣摩峻嶽覽德輝翔千仞而下
迴狂瀾障百川而東萬鍾何加一介不取寧航遷海掉頭不揖
於王公使夢鈞天平步可登於卿相莫屈英英之氣何求赫
之名以恢乎玉山壁府之才亦胥於金署犀監之屬再命而俯
一車以南霜飛暑路旗展春山輝煌周隰金聲中朝玉振江左
照映熊湘起視西北之風濤誰是東南之砥柱必平居曰法家
曰佛士則臨事為孝子為忠臣參文公之政於浙西舉行殆遍
凜清猷之風於殿上植立方來某政酣啜菽之甘不住覆蕉之
夢長鏡為命忽持斧以重來曲木猶驚雖循墻而莫避幸甚星

臺之近幸為鄰燭之輝繼自今為王事之昌增昔者寘周行之
氣九折回王尊之馭為範馳驅四方隨東野之龍頤從鞭弭匪
伊拜下莫既由中

回前人干批書

舊例監司交批

疇庸天庾趣駕星闈戒嚴繫日月之書茂對照乾坤之渥某稟
承有恪占署知榮謹具劄子復申稟結萬愧

送前人七夕

瞻兩旗之耀獨立秋風依六轡之光相望七夕來綉口錦心之
巧贈玉盤金錯之英鄰酒春深客堂涼透牽牛織女看夜度於
天街語燕留人且晚吟於湘水

請前人宴

濯錦湘江欣覩乾坤之渥卷簾楚觀頗懷風月之談忘蒙瀆之
為媿冀謙尊之肯訪薄言卜日為慶朝天富以其鄰且細論於
尊酒德將無醉願小駐於鋒車某輒擬翌日敬邀崇重

回前人折送

錦闌星度喜渙禁綸畫舫雲來特開臺宴為折瀟川之淶頌生
楚觀之春酌郎官清卷碧筍而遙謝懷美人贈慚荆壁之無酬
請前人九日宴

紅杏舊陰甫迎天困之綠黃花佳節又飛冰篆之丹青車已動
於行雲流馬聿來於今雨偶龜明日薄宴清風莫置錦屠蘇且
拚小飲已鑄黃金印行慶異除

送前人折筵

鵠立春霄帥雲霓而來御鴈拖秋色喜風月之共談欲挹注於
黃流盍招呼於綠淨懇效折枝之瀆想為會節之煩飲露供騷
何取水中之薜荔倚雲同味共看江上之美蓉

通董提舉楷

號克齋永嘉人前知瑞州

魏闢揚綸熊湘授庾刺史二千石雲度錦河天困十三星春浮
絲隰六條先曉一道生風共惟某官闕冠雲霄樓高湖海沮金
石諧韶濩音振蓬萊踞虎豹登虬龍氣摩鴈蕩清泚三蘇之頽
水崢嶸二陸之象山自崑丘鳳穴之鳴陽即溟海鵬雲之增翮
上下浙江之明月早透金閨翱翔輦路之春風曉聽金鑰灑灑
清都之人物飄飄碧落之神仙張乖崖斬叛卒於益州騷動之
餘富鄭公活飢民於青社荒殘之後璽書選表環召歸班大府

上士之清聯帝思前席常平使者之新轡公念南湘以醴泉之
草之春為芳芷杜衡之澤九郡顯顯而望賜四牡業業以戒嚴
霜飛暑路旗展春山已搖翠岳烟傍袞龍日臨仙掌遙侍紅雲
某夙出年盟今諧鄰好萬里風雲之天濶一襟草木之味同祝
融山外之美蓉肅迎紫氣泰華峰頭之冰雪佇沐清風

回前人到狀

夙綴鴈題今聯駱轡欽僕清風之戾止亟馳新雨以恭先肅快
低簪居屨飛翰天困星近喜不隔於光華湘水月明尚嗣承於
談笑

迎前人

星槎度漢天庾明湘丹鳳銜書光照朱維之色蒼龍授節清搖

綠淨之波禮樂輝煌旄倪鼓舞共惟某官文章大雅節槩真清
玉立九閔徹芒寒於霄漢春行千里蓄精銳於雷霆屢培後戶
之本根少屈廉車之步武任一道理常平之寄推九重博濟之仁
不待突黔趣歸橐紫某寅同下隰蔭接芳隣太史新占看德星
之照軫故人舊識喜今雨之來車

送前人洗拂

振衣碧落弭節朱陵祝融驅海若歲江山搖動風伯清雨師洒
原隰昭蘇言解征駮驩傳回鴈某年盟有夙鄰蔭方新吉日來
思已慶拂龜之喜皇華近止輒陳秣馬之恭

回前人送私覲

今雨來車方連雲於回鴈清風落袖忽分旣於懸魚捧旅實以

若驚恍使華之如對報青玉案頗懷客况之寒望黃金臺惟謝
羊情之厚

謝前人招宴樂語

雲垂臺蔭偶陪湘水之行風度伶音恍聽洞庭之奏和氣一堂
之律呂羊情四海之弟兄矧燕花飛舞之時正鵲錦交輝之日
充庭有喜滿座為春故永歌之尚想五章之禮樂式相好矣永
懷一片之宮商

送前人新除禮

峰回秋色寒誰留兮中洲臺立春水歷余征於吉日鳥奕車輿
之彩歲豨袍鵲之花注綠淨以傾馳睨青空而折寄洞庭霜熟
是為正好景之時間闔雲開嗣貢真福星之賀薄言卷俎莫究

秉旌

送前人折俎

臺冰正色錦袍生春馳華轡之六絲軫星增煥鑄黃金之一節
融岳如新條令具孚耄倪胥抃某阻奉即真之賀輒修攝飲之
恭禮無休樂無聲懇懇直寄南有箕北有斗清淺相望持瀆恣
恣麾留荷荷

回前人中秋請宴

照江疊節載畫舫之清水待月舉杯呼芳樽於綠淨拜華星之
墜凡約明月之浮槎風雨滿城何幸兩重陽之近江山如畫尚
從前赤壁之遊橐結申酬輪困嗣布

回前人折俎

注鄴湖之淥眇慶臺春然楚竹之清倍分鄰燭載屢卷俎如侍
秩適援北斗以酌天漿既知賜矣醉長沙而行湘水悵莫從之

回前人送酒

福星明處甫羞北斗之漿今雨來時又報長沙之酒起立寒梅
之月影坐添凍芋之春萌雖軫軫之相望真心心之不隔白絹
之封三印報不成章黃麻之似六經又將未賀

賀前人冬

春入重緹欣聽雷鼓之秦星垂練錦泝瞻沙軫之輝履此一陽
賁然雙節共惟某官聲名雷動意度春融大雅正音得黃鍾之
渾厚純和元氣探寶鼎之網緼卷夜月於蓬萊布曉雲於岫嶽

葭蘭出色芸荔生香君子得與開千載一時之會使臣濡轡催
五更三點之朝某斧綉何功臺雲借蔭暖回鄰壁先鳴鳳之六
筩光近福躔會牽牛之七曜通恣咏短馳賀心長

又送冬至酒

五紋添綉線日麗旌旗一節鑄黃金春生霄漢馳想雲和之瑟
莫陪壽軫之觴薄注鄙清式歌魯瑞九疑仙人之轍正快曉行
四牡使臣之車即催元會瀆嚴增惕賜頌為榮

送前人歲節酒

條風開獻節瑄玉更端春酒躋公堂壺冰薦祉皇華六轡和氣
九州輒蠲杜若之清持向屠蘇之末軫中星轉隄瞻練鵠之輝
縣上雲歸為喚林鳥之夢薄將增恣賜頌知榮

賀前人正

龍杓曉轉天開泰內之陽駟轡春行星揭軫中之壽慶旌郁穆
疊節焜煌共惟某官清澈壺冰和鍾瑄玉葱珩刻刻輝瑞日於
東郊練錦煌煌映蒼精於左角小駐祝融峯之雨露遙催含光
殿之風雲某幸接臺容欣同律暖酌屠蘇酒頌均八荒壽之心
詠萱草詩曷謝三春暉之賜傾心來賀引領欲馳

回前人送春

杓携龍角煥天上之星辰壽介兕觥分軫中之和氣喚醒羊華之
舊移來夜酌之春折芳芷與杜蘅永懷騷雅按紫藹坐碧草隄
企湘深什襲知榮七襄莫報

得贛送前人禮

上堂拜家慶偶忝近麾痛飲讀離騷有懷疊節持此清冷之寒
渌進于沈瀝之朝霞望美人兮一方特慚蒞禮問征夫以前路
尚肅藥規輻瀆有慚麾留斯寵

回前人請宴

堂有白髮親誤塵便組公鑄黃金印為舉初筵移來長沙酒之
芬馨喚起章貢臺之顏色君子永錫爾類已懷既醉之歌使臣
言遠有光尚借如濡之潤

送前人別會折俎

楚節易麾深味慈烏之哺湘花舞席踰瞻練鵲之輝思君渥
之綢繆膏吾車而繾綣上堂拜家慶遠借光華痛飲讀離騷
同懷既區區折寄眇眇麾留

回前人別會送酒折俎

回邛坂之車方隨檣燕贈蒲城之酒忽枉帳犀慙勤折柳之情
流麗飛花之影丈夫豈無別淚不洒於東西同年亦有情雲相
隨於上下銘歲媿媿馳泝泆泆

小人有毋聊分竹以懷歸君子錫朋指飛花而賦別慷慨執祛
之意慙勤祖帳之文卷寄良綢銘感不足日暮碧雲合喚游子
於他鄉月明今宵多取美人於河漢

揭麗軫之福星踰唐正色呼歸航之明月尚沐餘光雖已催南
浦之春更為醉長沙之曉公方行冀部即聯獻納之班吾亦念
桐鄉終席澄清之潤懷哉折寄臬甚判酬

賀衡州宋吏部赴上

鳳池絢曉鴈岫行春天近蓬山玉檻照西清之直風高湘水朱
旗壯南國之游童竹生騅騷蘭出色共惟某官山輝川媚雪跨
霜懸遠景樓高拂西眉之意氣靈光殿炯接東魯之風流砥柱
百川大車九軌金鑰玉珂之凌厲粉墻紫界之踴躍海務晴雲
曾度兩轡之影溪茗夜雨尚留六轡之光卷紫氣於河球韶神
芒於浦劍屈訪禹碑之奇字小凝肅戟之清香驅龍蛇放之直
春生敏手乘騏驥道夫路雷動先聲佇風幕之圍春聽今襦之
歌暮朱陵道院暫分翠岳之輝碧落仙人行侍紅雲之近某牡
驅何補臆技已窮地帶九州輝最親於鄰燭月明千里影即對
於朋簪盥露沄沄遡風塵

回前人到任狀

小車戒曉猥隨竹馬之塵森戟臨風快覩梧鸞之彩綴纒襟期
之新雨煌煌手畢之華星封侯識荊州已諗度關之氣低頭拜
東野願從開岳之雲儲謝輪困刊酬梗槩

請前人到任宴

虎符新渥聿來聚軫之輝鴈嶠初春苦接浮閑之氣繁梅花之
照眼頗杜若以論心欲龜告朔之朝薄燕行春之色共剪西窓
燭迎桃李之春風為酌北斗漿卷瀟湘之夜雨

送前人洗拂

露溶朱旆已空綠淨之塵烟淡綉隅莫侑清香之宴來新多喜
飲至有彝花邊立馬竹裏行厨聊將綿絳木未舉卷水中采薛
謾贊春容輜瀆知慚麾留為寵

謝前人招宴致語

衡陽虎竹之春新輝碧落湘水燕花之夜共醉清吟藹僕介之
倡酌數伶倫之掄詠共惟某官黃鍾疏越丹井甘寒咳唾珠璣
五鳳樓之錯落擊壤金石九龍窟之春容妙言語之齊諧寄音
容於趙舞其味深登席寵復歌詩相如文山豈類排敬肅齊心之
謝魯侯永錫難老莫酌思樂之章什襲意長七襄辭訥

送前人特會折俎

慶祭戰之遙臨幸依香燕講尊彝之持試敢去餽羊折豭客之
芳馨效野人之綿絕樂無聲禮無體聊寓懇勤北有斗南有箕
相望清淺之志持瀆眈眈麾由

回前人送物


爲新府之襟惟有光下隰來美人之錦綉於粲西珍庭實生香
江空出色綠文赤字徒深什襲之榮青玉明珠莫寓七襄之報
填膺多謝後已綾陳

回前人賀雪

行湘水之春天開光霽呼霍山之雪風起續紛手提五袴之溫
心出六花之瑞幻塗鴉之玉界賞回鴈之瑤田清憶廣平公莫
形容於天巧白戰頽水上預贊詠於年豐

回前人饋歲

官居住節坐閱壘茶兵衛清香特分滌灑來使華於千乘雜侯
餽之八珍喚醒春意之繽紛倍覺寒聲之辟易歌林頌而懷杜
甫踰贊凝森持梅花以謝廣平莫酬清絕



P13WS后出缺

謝前人聚宴折俎

諸侯應郎宿之疆來從劍外太史奏德星之聚
與席間傳風味於鄴湖飲陽和於楚觀黃堂一杯酒良佩交情青烟五侯家
喻馳謝臆

送前人聚宴折俎

凝香森衛戟近揖春和舉瓢酌天漿有懷星聚爰采澗溪之末
薄陳俎豆之前為細民斟喻想賦西園之雪從太守樂駕言隨
東野之雲瀆餉懷慚麾留為幸

回前人賀正

斗指蒼龍轉陽和於雄律尊分白獸來瑞氣於雌堂曉酣栢葉
長傳海范之色稱壽觥而頌魯文作之
和下褒重以徵意

文山先生文集卷之十一

啓

謝陳正言堅

省愆私室方負素以耕綿拜命公朝忽乘輶而使楚初咨詢而
咨度終受察以受容隄跂拾遺敬筮主進某名浮實淺意廣才
疎早歲飛騰真有終軍之銳中年閱歷始知元亮之非頃飯牛
吉水之陽育秣馬湘江之旨此運使大體既無士遜之良去監
司不才聊見希文之志進退用舍固各有命栽培傾覆亦因其
材此真生我之孟孫安得醜人之叔子歲年忽忽空懷躍冶之
羞風雨悠悠久斷問鈞之夢不謂一寒之零落未為諸老之棄
捐取彼蒼葭謂粗嘗於霜露憐其舊綉使復出於波濤血以創

深見嗤巧匠折肱痛定敢詭良醫方析偃息於支離俄責驅馳
於跛壁慨念重湖之今日浸隣一面之北風孔明之駐臨蒸正
在破荆賊之後曹劌之戰長勺或云察魯獄之功凜受任於艱
難恍聞風而興起孰主張是遂濟登茲茲蓋伏遇某官寒露清
冰泰山北斗雖剛不吐柔不如卓然論事之風然過者化存者
神偉甚容人之度遂使山林之深密復叨原隰之光華某敢不
祇若平反對揚欽恤鞭辟虺隤之陳迹濯磨鞅掌之新功元龍
百尺樓知將展下床之拜王尊九折坂其敢忘叱馭之規飯倚方
長敷茶祇淺

謝陳侍郎存

省愆私室方負耒以耕綿拜命公朝忽乘輶而使楚初咨詢而

咨度終受察以受容稽首席間通悉閣下伏念某名浮實淺意
廣才疎生平事可對人粗有聞於涑水仕太早不及學或見笑
於垂崖捫心每念於息肩回首不堪於鑄錯司馬橋乘駟豈應
聞命以疾驅管城子免冠正當為法而受惡然而兩停漢傳拜
黜周行皆緣一日之瑕疵自取十年之坎軻悠悠白日空懷毀
瓦之思落落青山久斷問釣之夢不謂元日闢門之始猶在皇
華遣使之中追天上之雲龍望不到此詠人間之蕉鹿意若安
之血指劓深見嗤巧匠折肱痛定敢詭良醫方析偃息於支離
俄責驅馳於跛壁慨念重湖之今日浸隣一面之北風孔明之
駐臨蒸正在破荆賊之後曹劌之戰長勺或云察魯獄之功凜
受命於艱難恍聞風而興起孰主張是遂濟登茲茲蓋恭遇某

官拱壁元圭泰山喬嶽迹英殿之勸講摠是經綸古靈臺之薦
賢不遺氣類遂令起廢復忝司平其敢不激厲新知濯磨舊玷
沐浴蓬萊之風露昭蘇衡芷之江山皇帝清問何擇非人願言
奉教王事靡盬不遑將母倘遂陳情歸倚意長敷宣喙短

賀曹尚書孝慶 兼給事中

選高春伯光映夕郎劍履摩雲煥清朝之文物簪裾照日侈
丹地之恩輝鼓舞風雷動搖鷺鷥恭惟其官名高二陸才備
百參風雲上下之交撫呵龍虎天日清明之瑞鞭駕鳳皇春
行霄漢之三麾星煥江湖之四節蘭臺壁水安定龜山彤管青
蒲歐陽司馬出袖磨霜之鉞浩吟捲雨之簾階轉松陰旗翻柳
色白馬盤陀之觀日紫囊筆橐之生風羽批敕瑣闥任朝廷

之綱紀而侍言經幄啓帝學之光明用領一命再命三命之榮
特懋大書特書屢書之績卻高麗使止西蕃馬讀青史而猶香
還諫臣敕綴內侍官凜清游其未遠必兼廣申公之十論必細
陳溫國之五規要看久遠之功名盡展平生之經濟其濫巾遠
服望履層霄星度文昌遙想蓬萊官之氣雲行石鏡尚磨蛟
龍字之碑心曲渠渠毫端草草

賀劉尚書黻

命渙九旒光升双履風清畫者準繩帝世之百工雲擁仙臺刀
尺周官之群吏濡毫綠淨拜手紫微恭惟其官吞吐龍湫卷舒
鴈蕩清規映日耀西華之金晶直氣摩空屹南都之鉄壁威鳳
祥麟之出處慶雲瑞日之文章一疏辨姦少日老泉之氣識十

條論事平生小弟之精神自頃筮堂陞之交而敬藻帝皇之度
獨到古今之未到能言天下之難言為御史為諫官張膽論事
真舍人真侍講吐辭為經儒榮方試於一時柄用遙開於九軌
乃需三命再命之渥徑通前行後行之班細瓊廣廈之席重龍
泉文淵之劍二時方艱大公竭論思余安道決邊議於朝廷真
工部長蘇子容戒功臣於疆場為史銓師教揮黃旗紫蓋之精
靈盡掃枉矢攬搶之芒角前籌彪炳疊組蟬聯未石江流更展
中書之畧海壇沙漲造符宰相之謠其鷁三馳原阻心賀厦文
昌星度衣冠徒想於後塵岫嘯雲飛草木顛濡於今雨鋪陳喙
短激躍心長

賀趙侍郎月山

太平州赴石

選表揚綸歸中持橐采石洲之明月光照海山通明殿之紅雲
影搖河漢介圭覲只會弁驩如共惟某官玉粹金剛冰懸雪跨
清廟生民之作膾炙諸公干將莫邪之鋒指麾餘子自傍天而
行斗牛之渚便拔地而起湖海之樓出入兵間月杵灯碁之耿
耿驅馳江上參旂井鉞之堂堂儒臣知兵從古所少天子謀帥
必在其中方建燾而前千軍遠帳而不動及還笏而去二童隨
馬而有餘悠悠四顧於山河落落一麾於江海嘯吟水石醉謫
仙投月之魂上下風檣訪舍人麾軍之迹慨然有神州陸沉之
歎發而為中流擊楫之歌屬傳風景於峴山忽駭波濤於天塹
長江為備不數處可共險於人朝廷養兵三十年當成功於
儒者乃疇庸於東掖乃趣二於西曹太乙靈旗出陪豹尾鉤陳

玉盤進逼鼇頭青天白日鳳皇之声名高山深林龍虎之氣勢
前行為兵部小紓帷幄之謀大本在中書丞正鈞樞之拜其濫
巾劄部望履脩門班漢後於甘泉宮喜稱知已勒唐功於浯溪
石已戒有司

賀荆湖汪制帥立信

中禁出綸上流易鎮尚書天之北斗光動玉垣荆楚國之西門
勢雄鐵壁璫落旗蓋風生共惟某官意氣吳鉤宵襟彭蠡
蒼龍捲四海之水拔地威風巨鼇戴三神之山擎天砥柱表表
二三豪傑恢恢數萬甲兵起觀江漢之危枰政急波濤之巨楫
峴山落日追思羊太傅之經營江左流風孰奮管夷吾之慷慨
乃易長沙之節乃高建禮之門北繞潁沔南卷沅湘一新牙纛

東達吳會西通巴蜀重整金湯然且許充國以便宜授孔明以
節制真儒無敵於天下此虜已在吾目中箭青海弓天山橐鞬
敵愾盃長河塊素華樽俎折衝陳六月北伐之詩刻萬年中興
之頌式歸几几晉位巖巖其隴睨齋壇阻陳賀履星輝翼軫莫
隨東野之雲龍月滿關河尚策祁山之流馬表旌搖曳舌筆單
疎

廣西李經畧經過迎狀

圭裳東覲牙纛西來畫鷁鏡秋懸桂林之明月綉屏帳曉拂石
廩之行雲雷馭先驅天吳起舞其摩漢脫屣飛遶前茅逐東野
之龍久懷上下拜北平之馬重覩傑魁

請廣帥會

傳鼓上清湘桂舟度曉舉杯邀明月楚觀生秋輒振千乘之光
華重話六年之契闊舳龍飛動豈敢為從者之淹橋燕鷺歎且
為盡故人之飲

折送諸監司巡歷會

問楚囚而返棹幸接席間傳鄙淥以稱觴幾成瓦後欲游邀於
金轡忍重溷於冰壺獻芹而效野人顏之厚笑折枝以奉長者
禮亦宜之區區卷俎不腆僭易馳獻如沐肯留萬有餘榮

回朱帥參

疇庸紅旆贊畫油幢羅帶玉簪卷嶺麾之雲氣銀濤青壁壽湘
柳之春風五朶施先七襄禮後其官春容之度瞻蔚之文颺起
雷轟揭脩名於千佛霜懸雪野歛神氣於九仙弓矛洛下之耆

英領袖湖南之賓客月暗秋城灯明夜觀日臨仙掌烟傍袞龍
小駐籌帷促歸輦路其居慚未見切幸寅同訪赤字於山尖喜陪
新雨望冰壺於幕下隄結飛霞繾綣情深敷茶詞約

回劉運管志叔

周隄馳駟恍波濤之移綉祁山流馬催帷幄之運籌一介施先
七襄報後其官鞭駕英雄之意氣攢吸霞雨之文章雲杏露桃
艷神仙於蓬島灯碁月柝重賓客於湖南小泛紅蓮佇歸青瑣
其俯慚小草仰辱儷花逢故人於瀟湘尚玳金玉跋天孫於雲
漢莫報襜褕

回葉茶場

車來今雨載征濡轡之塵旗展春山遠聽杖藜之句感君双尺

華我六絲捧雲漢之織裳莫將瑤報撫波濤之舊綉尚藉瑱規
賀桂陽劉守

疏綸鼇掖作鎮熊湘天上仙班猶帶觚稜之月湖南道院新行
祭戟之春條貫昭蘇老倪驩舞共惟其官真霄漢士為文章翁
袖五老之風烟插天秀色卷三神之霧雨搏海北岨自騰翔殿
角之雲已錯落班心之玉飽看芙蓉之輝媚尋歸芍藥之從容
記大史之名山金匱石室籌將軍之武庫紫電清霜小橫桂水
之烟歡戲萊衣之綠葉騏驎道夫路雷動先聲驅蛇龍放之菹
春生敏手襦歌鼎鼎綈召堂堂其息蔭載騏叨恩便養東馳西
驚迹將遠於江湖夜醉曉行心相望於霄漢輪囷行謝稟結包
羞

賀寶慶王守

舟詔起家彤幃就國跨茅山鶴來從勾曲之洞天分竹使符出
領瀛溪之霽月感先未識樂在寅同共惟其官鴈蕩孤峰梅溪
的派激龍湫而和妙墨箋古史倚相之書執牛耳而主齊盟負
大學何蕃之望大車九軌砥柱百川峩峩天上之神仙佩蒼鳴
曉纒纒水邊之花氣戟畫闌春風行蘭國之江山燠轉梅峰之
草木銀菟出色畫鹿生光川暖玻璃小駐挿天之紅旆花深翡
翠佇馳度漢之紫泥其舊綉靦顏新麾照眼九州地接獨先鄰
燭之光一水江連飽聽今襦之頌衷旌搖曳舌筆單疎

賀道州王守

鳳檢揚庭熊旂赴鎮翩翩趙公子星煥九霄粲粲元道州風行

千里騷蘭香度童竹歡傳共惟其官簫鍾瑤篴之音金井玉輪
之操當家清白撫千佛之青壇上界慈蒼接九仙之玉佩出則
壇蛟於湖海入而黼黻於周行衣冠照須女之珠樽俎總從戎
之柝卷紫電清霜之氣主光風霽月之盟駘龍蛇放之菹春生
敏手棄騏驥當夫道雷動驩聲敷游刃於新研走神丸於迅坂
民歌來暮公快行春香戟凝清和墨剩吟於碧落奎書照渥追
鋒促覲於紅雲某颺技已窮壯駘何補九州襟帶喜親鄰燭之
輝萬井旌旗滿聽今禱之頌溶溶新雨疊疊下風

賀永州袁守交割

春生騎竹吉耀菟銀揚照軫之旌旗布先庚之條貫風行千里
疾迅三吾其喜滌滌之辰良即蓋簪而申慶亟馳泓頤預訊轅

和

回前人

懷綏湘源榮分半竹飛書楚觀光楹前茅為華綠淨之江山猶
帶紫清之烟霧沸歡聲於稚穉浮喜氣於寒蕪瞻鸞鶴於北平
斐然擊節為雲龍於東野幸甚執鞭豪粘占酌輪因覲謝

請雷州虞守

領紱海邦低簪楚觀太史紬金石契閭十年故人逢瀟湘會并
一日喜來今雨頌欵清風

送前人別禮

剪燭空涼喜話巴山之雨解維浩渺莫追滇海之風偷聞傳鼓
之麾呵舅究執祛之繾綣折梅花於响屐愧我騷騷隨雲氣於

蓬萊為君媿媿

回諸郡守冬

陽氣應黃鍾時於南至兵衛森畫戟既我東風昭黼黻於魯臺
噓塵埃於楚觀共惟某官陽明人物雷動声名麗曉旌旗照映
壺冰之潔行春鼓角發舒圭影之和迨七日之開來進三朝之
元會某坐馳梅影喻借芸香宮綵添長正覩顏於把綉雲門入
奏惟洗耳於歌襦

回諸郡送年酒

開荆楚之畫雞舊梅如夢賦蘇州之清燕新麴生香挹宮錦之
淋漓醉屠蘇之先後從太守樂知同元日之春為細民斟頌廣
東風之賜

回諸郡賀年

條風開獻節雄律鳴春或衛森清香雌堂嚴曉茨梁介祉草木
生輝共惟某官氣度陽明精神雷動玉珂舊影光搖白獸之尊
皂蓋清塵彩照蒼龍之角小聽歌襦之暖即來召綵之溫某坐
閱一暮踰瞻五馬回車雲近方懷邛坂之思化犢日長尚味海
濱之譜

送徐權府折俎

舟泝鴈回載沐瀟湘之雨雲連燕寢渴陪桃李之春恐廢聽棠
薄言羞藻乞為寒水玉恨莫對於冰清走置錦屠蘇敢坐將於
郵綠

回前人請宴折俎

帆浦乍歸沐東風之飛錦鈴齋相望荷北海之開樽清來盡戟
之香綠折瓊芝之草碧甯階卷如坐使君之林玉案無酬有愧
美人之綉

回前人送轉官折俎

影摩下隲矣補毫釐步進員階忽恍分寸正自憐於磨礱乃特
枉於緘急感折寄之慙慙佩相期之汗漫共明月千里肯分此
光賦終日七襄若何為報

回前人送冬

陽氣應黃鍾時哉南至兵衛森畫戟祝我東風昭黼黻於魯雲
噓塵埃於楚觀云香在手梅意弥襟日表迎長正醜顏於把綉
雷鼓入奏惟洗耳於歌襦

回柯權郡謝舉薦

為仲舉題坐彼羨監州薦侯喜有詩薄言報國度清風於燕寢
洒今雨於鴈回大丈夫即直佇膺美紱我鄉人未免聊謝貂褸

回前人賀得韻

對岫嶮之行雲何功將指沐空峒之新雨為養叨思志甫遂於
循陔音者勤於傳驛某官以錦裳手誦緇衣詩王事靡盬豈敢
定居同心心而体國君子不匱永錫爾類推老老以及人遂令
回却坂之車亦猥捧江城之檄某感深烏哺愧甚鴉濡顧影躊
躇漸有雲東西之迹懷人飛越相望斗南北之輝

回李潭倅謝上

溼煥紫泥光紆朱紱蓬萊雲氣隨太祝之輕裘湘水月明照監

州之緹軾茲憑回鴈薄謝未魚其官大雅孤標真清偉度玉珂
金鑰聯天上之神仙青壁銀濤重湖南之賓客佇携風噴歸趁
星軌其隄奉麗花相輝芳杜拂山尖之科斗啟襲清霜聽江上
之琵琶更傳白雪

回諸郡倅賀冬

九寸黃鍾律和動緹帷五丈畫堂旗春生錦段芸香在手梅意
彌襟其官氣類陽明精神冰潔賡庾樓之曲聲徹雷鼓續滄浦
之吟文裁宮線清露曉濡於驥尾韶風夜度於鴛行其隅綉何
工屏泥借潤瀟湘波暖照明月於胡床响嘯烟寒倚行雲於仙
襪

回諸郡倅賀正

攝提貞孟陬青規絢綵風流半刺史朱紱生輝陽德斯升元氣
之會共惟其官名雷動氣度春溫緹軾清塵色照蒼龍之角
玉珂舊影光搖白獸之樽小分千里之辰旌即下十行之外詔
其坐驚歲始隄贊州端波暖江湖未趣東西之駕風和山水相
望南北之樓

回諸筵幕賀冬

黃鍾陽氣應緹幔香深水壺幕下清彩毫燠轉芸香在手梅意
彌襟其官氣類陽明聲名雷動宵蟠五色卷舒宮線之紋音度
九韶出入雲和之瑟小分光於烏幕即翔舞於鴛行其軫野相
望綉隅何補招呼和氣隄看仙襪之華上下春輝密贊賓帷之
勝

回諸司諸郡幕賀正

閱雞戶之年頓驚元日賞龍門之雪喻企光風暖透荔芸意行
蘭芷其官声名雷動氣度春融綠幕生輝光照龍杓之彩朱絃
奏雅音諧鳳律之陽衣冠小立於金臺環珮即趨於玉府其相
逢甲換猶喜寅同夜醉曉行漸作江湖之隔雲飛川泳永言霄
漢之期

回施帥準送別

望水壺於幕下遙結飛霞映赤字於山尖喜來垂露寵先一介
禮後七襄其官水雪孤標雲霄名閱玉珂金鑰接江左之衣冠
青壁銀濤贊山南之鼎軸籌帷小駐輦路遄歸其服膺夾袋之
儲決意緇衣之好南轅北轍迹透隔於江湖左弭右鞬心相期

於霄漢輪困欲謝稟結是慚

回洪準遣到任

袞鉞掄材油幢疏渥花明湘水分曉月於紅牙旂靜郾城生春
風於色筆一箋愧後六儷施先其官威鳳鳴陽神駒奔電韶金
奕奕發五彩之芝英簪玳翹翹結九歌之蘭佩小駐清壺之下
即陪赤舄之東某喻企芳塵喜聞新雨從軍古云樂刺羨灯碁
織女不成章莫酌裳錦

回趙檢法

馳絲無補愧行湘水之春贊幕多奇遠洒縉雲之雪施先一介
禮後七襄其官瑚璉英姿泉阿神物洛陽龍門之清賞吞吐風
雲軒轅鳳樂之妙音鏗錡金石小游綠水即近紅雲某久後寅

同未諧辰見

云

回諸郡教官賀冬

吹瑄動浮灰時哉南至講道出新貫
賦我東風梅意弥襟芸香在手某官精神永凜氣類陽明文鐸聲揚一片雲和之瑟書壇色麗五花宮線之紋徑携三鱸之春入慶六鼈之曉其何功把綉徒愧織裳岫嶮烟寒自笑庭揚之影瀟湘波暖第傳泮藻之清

回諸郡教官送別

星馳隰轡空浮棘影之塵日麗堂璫喜迓槐陰之翠輒馮回鴈占謝來魚某官蓬萊文章華岳瑚璉曉開雲杏纒纒聲猷清蒞泮芹源源教思聊汲清湘而變鄒魯行瞻黃繖而講唐虞某將指何功同心有味南轅北轍迺似遠於江湖左尚右書情相期於霄漢

回桂陽劉教授

日麗鱣堂喜近粉榆之翠星華鴈嶠有來芹藻之清知在歲寒舞慚地窄謂草木吾味賦聊誦於梅花母金玉尔音振喻聆於杏鐸七袞匪報三宥為榮

回林教授

時雨鶴峰新筴度曉清風鴈嶠塵臬生秋不言而意已傳未識而氣先感謂草木吾味賦聊誦於梅花母金玉尔音振喻聆於杏鐸

回張教授

春滿鱸堂罩藻芹之教思書來鴈嶠出草木之味言先舉所知
豈非吾頭南轅北轍迹遽遠於江湖左弭右隼心相期於霄漢

回胡山長

挹西山之新雨如見其人納北窓之清風喜有此客亟憑回鴈
占謝來魚某官蓬萊文章華岳瑚璉曉開雲杏文采九霄清照
川花書香五色重濯瀟泉而浴沫泗行趨廣廈而講唐虞某恍
舊綉之濡絲捧儷花之盈袖永為好也隗莫稱於報瓊能無誨
乎尚有聞於振鐸

回邢山長

開帝館之雲秋旌度曉織天孫之錦晴綺絢空一介施先七襄
禮後某官岷峨鋒鏑蓬萊文章紅杏碧桃艷神仙於天上粉墻

紫界重賓客於湖南小對蒼花即歸院柳某幸償未見且賀寅
同自笑黔驢難策耳衰之鈍相逢衡鴈願聞三益之規

回衡州江判官

從軍帷幄欣雲近於玳簪贈我檐榆忽星垂於絲轡施先一介
禮後七襄其官玉尺懸水金塗滄露紫霄摩翮扶搖溟海之風
綠水影纓談笑郢城之月佇看飛鷲即遂遙駕某欣捧色絲有
華舊綉擷瀟湘之草喻寄鴈回望江漢之雲莫將貂報

回趙判官

芙蓉幕畫見推三語之清桑梓年情僅效一言之鴈舞袖方慚
於地窄織裳乃逐於雲來瀟湘逢故人薄酬今雨霄漢瞻佳士
徒竚下風

回郭判官

雲近熊山有美芙蓉之影書來鴈嶠頓生杜若之香三語施先
七襄愧後某官珊瑚文采冰雪聰明空冀北之群神行員願望
湖南之幕鋒淬鉅鉦小贊凝森端班清切某偶諧聚軫多幸同
寅意重冰清深謝宜教之句贈隆錦織莫酬幼婦之辭

回陳撫屬張監倉

馳絲何補媿岫嶺之春風畫幕多奇賁瀟湘之華月施先一介
禮後七襄其官絕俗精神識時俊傑洛陽龍門之清賞吞吐雲
烟軒轅鳳樂之好音鏗錡金石少凭玉帳即觀璧璫某多幸寅
同有懷未見南轅比轍迹似問於江湖左弭右健心相期於霄
漢

回黎知錄李司理

駢馳遠使空塞杜若之雲俊逸參軍辱贈梅花之雪舞慚地窄
知在歲寒其官巧鑄鉅鉦清摩員嶺風度筆廣平賦之淋漓
寒露照襟何遜詩之洒落小需鞠草即看攢花某共客瀟湘期
君霄漢重緹錦段莫酬明月之珠空羨紫鱗擬結橫江之網

回永州司理司戶

梅花鐵石心相知已晚金薤琳琅字多謝何塵味也同吾惠而
好我緇弓又改嘆舞袖之地寒白也不群喜錄屏之天近

回謝司法

星馳周隍將為養以懷歸春度燕臺乃覽輝而來下載憑回鴈
薄謝來魚某官華岳清冰海水明月鏗錡金石軒轅鳳樂之好

音上下風雲洛陽龍門之清賞小吟藻綠徑照藜青其夙幸同
寅踰瞻聚軫南轅北轍雖遽隔於江湖左弭右韉正相期於霄
漢

回諸縣宰賀冬

觀臺雲物曉看五色之書彭澤風流春度一同之詠駢花委艷
芳杜生香某官氣類陽明精神冰潔霞飛錦織卷舒宮線之紋
春落弦聲上下雲和之瑟佇翔鳧影晉造鵝行某迹只畫簾脩
然隅綉撫庭揚於岫嶼空負分陰培浦柳於瀟湘喻看一碧

回諸縣宰賀正

攝提貞孟陬八荒開壽連城得茂宰萬象皆春花柳無私茨梁
有慶某官吉名雷動韻度天和文艷錦機光照龍杓之彩風生

三軫音諧鳳律之陽舒舒浦穀之香進進蓬萊之武某坐驚甲
換猶喜寅同為秋浦官孰禦春風之鳥送長沙客相望明月之
舟

回衡山趙宰孟僖

謝舉陸

效顰一鶚力何補於培風照眼雙鳧手忽承於垂露一謙過矣
三復斐然某官文采珊瑚歌赤金石融峰九千餘丈氣埒青蒼
郎垣二十五星先生銅墨哀時正直簡在凝嚴某借助鞭長汲
清綆短頌言美瑞知麟鳳之在郊趣覲通明戒鸞鳳兮先路

回善化韓宰

出宰山水縣喜調新琴為織雲錦裳有華舊綉載憑回鴈占謝
來魚某官玉尺清方金盃晶潤融峰九千餘丈氣埒青蒼郎垣

二十五星光生銅墨暫翔鳧影佇入鷓行其自賀寅同宣云未
見娟娟一碧共看貫索之沉耿耿七袞莫效聯珠之報

回郵縣夏宰

移綉波濤愧將絲轡出宰山水先度絃歌隄寄鴈回敬酬魚遺
其官琳瑯清越冰雲聰明雲停碧桃千丈蓬萊之光氣月明綠
野一簾秋浦之清風小種縣花佇歸院柳其俯慚舊斧仰辱聯
珠味黃絹之辭永為好也乏貂褕之報受言藏之

回攸縣郭宰

舊綉塵深閱八賞於楚觀畫簾花度飛五朶於雲陽新雨同心
清冰照目其官光華尚錦盤錯投刃橫巴水之野舟肯煩期會
聞楚澤之更鼓終覺分明迹只見飛翮其鵠立其馳駘技短嗟

切意長皎皎織女終不成章駕言匪報駭駭征夫每懷靡及尚
克相規

回湘潭張權縣

雲移松影調新韻於宓堂春滿枕陰來清風於周戀懷我今雨
遺此華星小生欲相吏耶願同秉協丈夫即為真耳佇聽除音
一水娟娟七袞耿耿

回永興趙權縣

鶴岑琴好相望明月之心鴈嶠書來不隔同年之面以雍容之
雋軌將慷慨於公車北轍南轅遷江湖之相遠左袂右袂尚霄
漢以為期占對甚臯垂字為寵

回瀏陽任丞

晴紋照綬曉入新花遠素飛雲春回舊綉辱施先於一介物不
後於七襄跋天孫之織雲莫將瑤報望美人兮明月尚藉瑱規

回寧遠簿到任

地鄰棲鳳喜聆千玉之吟風度鳴鳶悅聽九韶之奏縣花出色
汀若生香然大乙之藜佇聽令業織天孫之錦莫敵腹施

回波縣趙薄衡陽易尉

馳隄無功愧行雲於岫嶁佐琴有韻捧明月於瀟湘小車來映
於縣春佩相輝於嶽正其喜瞻聚軫樂在同寅北轅南轅漸
覺江湖之隔左隄右弭尚為霄漢之期

回衡陽歐陽尉

挹春花於拂綬喜見青撐垂星字於棗檣有華綠淨重此湖南

之賓客羨哉日下之神仙牡戀何功自笑并衰之技韶諭莫報
更求三益之規

回楊料院

司會名藩有美同年之子委書下隄聿來異事之僚我簪玳於
賓筵粲糜瓊於騷圃湖南幕貴良懷支使之賢水北價高寧久
山人之索薄憑回鴈諭謝來魚

回宋稅院萬年

篁竹嘯鼯鼠僅免失刑岫嶁拏虎螭劃傳得句怒飛鉄畫光照
錦機撫劍首於漆園敢當一吹聞簫聲於赤壁莫遂倚歌

回劉學錄

胡石壁客

我馬維駒訪岫嶁之奇字有鶯其羽發蓬萊之妙音亦來見我

乎嘗有此客否其人語洗烟火書籠山川張生手持石鼓文氣
涵綠淨楊雄自有河東賦聲透明光亟呼熊耳之雲立近鼇頭
之日其味同草木影合江湖扶搖萬里南溟相期汗漫上下四
方東野此意輪囷

通交代廖提刑邦杰

號恕齋

共審疏恩象魏易節熊湘星度天困光照武陵之雪風生春綉
神開衡岳之雲翠蕩淒烟華絲絢繞共惟某官傳心正學行世
清規雲霄閱之高寒蜿蜒浦劍湖海樓之突兀塊北參旗屹砥
柱於中流行大車於九軌出擁康沂之駕入提建禮之門犀監
重弓武絢將軍之電金曹曳組輝聯須女之珠佩聲雜還於蓬
萊麾影橫斜於牛斗誰謂寒露清冰之勝屑為春山暑露之行

收海若之波濤定夫正學布湘江之雨露朱子常平使嘗跨汗
漫而播雷琅于以經駘蕩而出馭娑屬天顏之西顧念民命于
南維不有仁人孰長王國乃輟神仙於海上乃移星宿于軫中
惟君子之祥刑自聖門之恕學推廣不究之條貫發揮無訟之
本原轉陽和於芙蓉薜荔之間沛生意於楫接柝楊之外蓋以
臯夔之長者而行孔孟之本心自皇華咨度咨詢盡展平反之業
清問惟明惟畏即陪啓沃之照某久把短鏡偶塵綉斧撫王事
而集苞杞坐隔白雲望美人而結幽蘭喜逢今雨俯仰十年之
同味寅緣百世之交情尊叱馭陽回車豈是秋春之鴻燕貢彈
冠朱結綬尚將上下於雲龍古筆疎單衷旌搖曳

與袁州安守到狀

叨符便養假道言歸西水分江喜接九河之潤東雲捲雨重
三峽之春即遂樞趨預深欣抃

回表守不赴請

馳白雲之下幸甚假途卷今雨而來言將換館華髮之典刑甚
厚清風之邊豆有加薄言還歸何速叩疎之馭願安承教第懷
臺峽之春方命負慚嗣音抒謝

回交代權贛州孫提刑炳炎

南節易麾為慈親而拜命西臺就牧屈膚使以論交温朝花雨
別之盟借堂草春暉之色施先一介禮後七襄共惟某官大雅
風流真清人物冰懸雪跨吐吞禹穴之玉書鳳躍韶鳴鏗夏天
台之金賦雷轟欬起山立徐行魏冠參卿月之班雜珮峻郎星

之直侍女謨衣雞人傳箭擬翠殿之賦詩衛兵森戟無寢寢香
肯芝山之携酒宣第十萬家之春意精神三百里之湖光前席
興思此佳吏部西人則曰真好監司寧遲履接於星辰便報綉
行於霄漢春風靡影草卧析楊夜雨灘聲雲銷貫索暫屈玻璃
之六戀更聯虹土之半符昔清獻典州而三川之琴有韻而瀟
溪行部則五嶺之獄無冤每惟八境之有緣皆著兩賢之遺迹
盛德可稱於百世明公乃合於一人麾蕩照江劍刀易俗玉莖
青絲纜小駐虎頭白馬金盤陀邊陪豹尾其無功將指有味陳
情王陽回剌史車庶乎為子毛義捧郡守檄專以為親昔隨振
鷺之英游今忝傳龜之雅好夢回舊綉恍慚揚袵之前手把新
符早托絕塵之後會趣綸之來下辱飛敷之遠臨皇華之禮自



P20 W5/5 缺

加南陔之詩復作安有十一州之廉察層為二千石之承行
縣錄平反喜不隔望雲之舍詣府受約束願遂依近月之臺舌
筆單疎衷旌搖曳

回陳侍郎薦齋

回車邛坂請自效於林鳥得郡江南取已捐之竹馬綢繆錦製
緹襲衮華共惟其官麾斥八極之風雷卷懷九天之星斗古靈
袖中之橐籥薦時賢温公洛下之評不遺人物遂使忝來芻之
寄從而諧啜叔之私其半竹奚堪儷花甚寵想五畝青山之樂
願請訂金懷四方明月之詩曷酬贈璧

賀曾京尹淵子 號留遠

露綸渙渥星履陞華東澗西瀍冠十連之元帥南昌北斗表六



